

ՊԱՅՄԱՆԱԳԻՐ
ՀԵՌԱՀԱՂՈՐԴԱԿՑՈՒԹՅԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ՄԱՍԻՆ

ք. Երևան

«___» _____ 2019թ.

"USU Հայաստան" ՓԲ Ընկերությունը, ի դեմս Գլխավոր տնօրեն Ռաֆ Զիրիկյանի, ով գործում է Կանոնադրության հիման վրա, այսուհետ՝ Օպերատոր, մի կողմից, և, _____ Ընկերությունը, ի դեմս Գլխավոր տնօրեն _____ի, ով գործում է Կանոնադրության հիման վրա, այսուհետ՝ Պատվիրատու, մյուս կողմից, միասին այսուհետ միասին՝ Կողմեր, կնքեցին սույն Պայմանագիրը հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1.1. Օպերատորը, համաձայն սույն Պայմանագրի պայմանների, Պատվիրատուին մատուցում է էլեկտրոնային հաղորդակցության ծառայություններ (այսուհետ՝ Ծառայություն կամ Ծառայություններ), որոնք նկարագրված են Պատվիրատուի սույն Պայմանագրի անբաժանելի մաս կազմող Հավելված 1-ում (այսուհետ՝ Հավելված 1):

1.2. Հավելված 1-ը առանց սահմանափակումների պետք է ներառի առնվազն հետևյալ տեղեկատվությունը.

- Ծառայության տեսակը/նկարագիրը,
- Ծառայության մատուցման հասցեն/վայրը,
- Թողունակությունը
- Ծառայության ժամկետը (սկիզբ և ավարտ)
- Ծառայության սակագինը

2. ԸՆԴՀԱՆՈՒՐ ՊԱՅՄԱՆՆԵՐ

2.1. Այն դեպքում, երբ Ծառայությունը մատուցվում է Օպերատորի կողմից տրամադրվող մալուխով, մալուխը ավարտվում է Պատվիրատուի կողմից նշված վայրում, Պատվիրատուն պատասխանատու է մալուխի շենք/շինություն մտնելու և մալուխի անցկացման թույլտվությունների ձեռքբերման համար:

2.2. Օպերատորի կողմից սույն Պայմանագրի շրջանակներում Պատվիրատուին տրամադրվող սարքավորումները, մալուխը, դրանց պատկանելիքներն ու մասերը, ինչպես նաև դրանց վրա Օպերատորի կողմից կատարված ցանկացած փոփոխություն և վերանորոգում, եթե այլ բան գրավոր ձևով համաձայնեցված չէ Կողմերի միջև, համարվում է Օպերատորի սեփականությունը: Սույն Պայմանագրի լուծման դեպքում Օպերատորի կողմից տրամադրված սարքավորումները և մալուխը իրենց սկզբնական վիճակում վերադարձվում են Օպերատորին՝ հաշվի առնելով բնականոն մաշվածությունը:

2.3. Սույն Պայմանագրի 2.2 կետում նշված սարքավորումները և մալուխը հանձնվում են Պատվիրատուին և վերադարձվում են վերջինից Կողմերի միջև կազմված սարքավորումների հանձնման-ընդունման ակտով:

2.4. Այն դեպքում, երբ Պատվիրատուն ունի Ծառայության մատուցման համար անհրաժեշտ իր սեփական սարքավորումները, որը Օպերատորի կողմից կդիտարկվի համարում է պատշաճ, ապա սույն Պայմանագրի շրջանակներում Օպերատորի կողմից Պատվիրատուին սարքավորումներ չեն տրամադրվի:

3. ԿՈՂՄԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

3.1. Օպերատորն իրավունք ունի՝

3.1.1. Փոխել Ծառայության սակագինը մինչև Հավելված 1-ով սահմանված ժամկետի ավարտը՝ այդ մասին գրավոր ծանուցելով Պատվիրատուին սակագնի փոփոխությունը ուժի մեջ մտնելուց ոչ պակաս, քան 30 (երեսուն) օրացուցային օր առաջ:

ՊԱՅՄԱՆԱԳԻՐ
ՀԵՌԱՀԱՂՈՐԴԱԿՑՈՒԹՅԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ՄԱՍԻՆ

3.1.2. Ժամանակավորապես կասեցնել Ծառայությունների մատուցումը, եթե համարում է, որ այդպիսի քայլը անհրաժեշտ է պաշտպանելու համար իր ցանցը կամ իր հաճախորդների ցանցերը որևէ վնասակար ազդեցությունից և վերականգնել Ծառայությունները միայն իր ցանցի և/կամ իր հաճախորդների ցանցերի վրա այդպիսի ազդեցության պատճառների վերացումից հետո:

3.1.3. Պայմանագրի լուծման կամ գործողության ժամկետը լրանալու դեպքում, նախապես՝ առնվազն մեկ օր առաջ ծանուցելով, մուտք գործել Պատվիրատուի տարածք և վերցնել այն Պայմանագրի շրջանակներում իր կողմից տրամադրված սարքավորումները և մալուխը:

3.1.4. Սույն Պայմանագրի 4.3 կետի վճարման պայմանների խախտման դեպքում Պատվիրատուից պահանջել վճարել տուգանք ուշացման յուրաքանչյուր օրվա համար՝ ուշացված գումարի 0,1%-ի չափով, սկսած վճարման վերջնաժամկետի հաջորդ օրվանից մինչև այն օրը, երբ գումարը կվճարվի ամբողջությամբ:

3.1.5. Սույն Պայմանագրի 4.3 կետի վճարման պայմանների խախտման դեպքում կասեցնել Ծառայությունների մատուցումը մինչև Պատվիրատուի կողմից 4.3 կետով նախատեսված պարտավորությունների կատարումը:

3.1.6. Պատվիրատուի կողմից սույն Պայմանագրի 3.4.2, 3.4.3, 3.4.5, 3.4.6, 3.4.8 կետերի պայմանների խախտման դեպքում կասեցնել Ծառայությունների մատուցումը:

3.2. Օպերատորը պարտավոր է՝

3.2.1. Ծառայությունը մատուցել սույն Պայմանագրում ամրագրված պայմաններին և ժամկետներին համապատասխան:

3.2.2. Ապահովել Ծառայությունների տեխնիկական սպասարկումը՝ համաձայն Օպերատորի կողմից ընդունված Հաճախորդների տեխնիկական աջակցման և սպասարկման կանոնակարգերի:

3.2.3. Տեղեկացնել Պատվիրատուին իր տիրույթում տեխնիկական անսարքության պատճառով առաջացած Ծառայության ընդհատման մասին:

3.2.4. Տեխնիկական պլանային աշխատանքների իրականացման դեպքում տեղեկացնել այդ մասին Պատվիրատուին այդպիսի աշխատանքները սկսելուց ոչ պակաս, քան 4 աշխատանքային օր առաջ: Հատուկ դեպքերում, երբ անհրաժեշտ է իրականացնել անհապաղ վերականգնողական աշխատանքներ, Օպերատորը կարող է տեղեկացնել Պատվիրատուին այդ աշխատանքները սկսելուց անմիջապես առաջ:

3.2.5. Սույն Պայմանագրում սահմանված ժամկետներում ներկայացնել հարկային հաշիվներ և կանխավճարային վճարումների մասին հիշեցումներ:

3.2.6. Պահպանել Պատվիրատուի բարի համբավը և առևտրային իմիջը սույն Պայմանագրի գործողության ընթացքում և սույն Պայմանագրի լուծումից հետո:

3.3. Պատվիրատուն իրավունք ունի՝

3.3.1. Օպերատորից պահանջել Ծառայությունների մատուցումը սույն Պայմանագրի պայմաններին համապատասխան:

3.3.2. Համաձայնեցնելով Օպերատորի հետ՝ փոխել մատուցվող Ծառայության ծավալը և ժամկետը

3.4. Պատվիրատուն պարտավոր է՝

3.4.1. Վճարել Ծառայությունների դիմաց՝ համաձայն սույն Պայմանագրի պայմանների:

3.4.2. Օգտագործել մատուցվող Ծառայությունները և սարքավորումներն այնպես, որպեսզի չընդհատի, խոչընդոտներ չառաջացնի կամ չթերացնի Օպերատորի ցանցով մատուցվող Ծառայությունները, չթերացնի այդ ցանցով հաղորդվող տեղեկատվության գաղտնիության պահպանումը, վնաս չհասցնի Օպերատորին կամ Օպերատորի Ծառայություններից օգտվող այլ անձանց, վտանգ չստեղծի մարդկանց կյանքի և առողջության համար:

3.4.3. Առանց Օպերատորի հետ համաձայնեցնելու չկատարել Օպերատորի տրամադրած սարքավորումների կամ մալուխի որևէ ձևափոխություն:

ՊԱՅՄԱՆԱԳԻՐ
ՀԵՌԱՀԱՂՈՐԴԱԿՑՈՒԹՅԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ՄԱՍԻՆ

3.4.4. Համագործակցել Օպերատորի հետ, երբ այդպիսի համագործակցությունը անհրաժեշտ է ապահովելու համար Ծառայությունների մատուցումը և Ծառայությունների մատուցման հետ կապված խնդիրների վերացումը:

3.4.5. Զօգտագործել Ծառայությունը և/կամ Օպերատորի ցանցը ՀՀ գործող օրենսդրության խախտմամբ կամ անօրինական նպատակներով:

3.4.6. Չառաջարկել իրեն մատուցված Ծառայությունը երրորդ անձանց, ինչպես նաև չօգտագործել այն այլ էլեկտրոնային հաղորդակցության ծառայություններ մատուցելու նպատակով:

3.4.7. Պահպանել Օպերատորի բարի համբավը և առևտրային իմիջը սույն Պայմանագրի գործողության ընթացքում և սույն Պայմանագրի լուծումից հետո:

3.4.8. Շահագործել Օպերատորի կողմից տրամադրված և վերջինիս սեփականությունը հանդիսացող սարքավորումները համաձայն դրանց տեխնիկական շահագործման կանոնների, ինչպես նաև ապահովել սարքավորումների պահպանությունը:

3.4.9. Սույն Պայմանագրի լուծումից հետո, իրեն հանձնված սարքավորումները 5 (հինգ) աշխատանքային օրվա ընթացքում վերադարձնել Օպերատորին:

4. ԾԱՌԱՅՈՒԹՅՈՒՆՆԵՐԻ ԳԻՆԸ, ՀԱՇԻՎՆԵՐԸ ԵՎ ՎՃԱՐՈՒՄՆԵՐԸ

4.1. Յուրաքանչյուր Ծառայության գինը սահմանվում է Օպերատորի կողմից և նշվում Հավելված 1-ում:

4.2. Եթե Ծառայության մատուցման առաջին և/կամ վերջին ամիսները չեն հանդիսանում ամբողջական օրացուցային ամիսներ, ամսական վճարը հաշվարկվում է սլյալ օրացուցային ամսվա ընթացքում մատուցված Ծառայության օրերին համամասնորեն:

4.3. Ծառայության դիմաց վճարումները կատարվում են Օպերատորի կողմից ներկայացվող հարկային հաշիվների հիման վրա՝ դրանց ներկայացման պահից հաշված 30 օրացուցային օրվա ընթացքում:

4.4. Վճարումը համարվում է կատարված այն օրը, երբ վճարման ենթակա ողջ գումարը մուտքագրվել է սույն Պայմանագրում նշված Օպերատորի բանկային հաշվին:

4.5. Ծառայության դիմաց վճարները հաշվարկվում են Ծառայության ակտիվացման օրվանից սկսած:

5. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ

Սույն Պայմանագիրն ուժի մեջ է մտնում Կողմերի կողմից ստորագրման պահից և գործում է մինչև սույն Պայմանագրով սահմանված կարգով դրա լուծումը:

6. ԾԱՌԱՅՈՒԹՅԱՆ ԱԿՏԻՎԱՑՈՒՄԸ ԵՎ ԴՐԱ ՄԱՏՈՒՑՄԱՆ ԺԱՄԿԵՏՆԵՐԸ

6.1. Սույն Պայմանագրի գործողության ընթացքում Ծառայության ակտիվացումն իրականացվում է Հավելված 1-ով սահմանված ժամկետում և շարունակվում է մինչև Հավելված 1-ով սահմանված ժամկետի ավարտը: Հավելված 1-ով սահմանվող Ծառայությունների մատուցման նվազագույն ժամկետը չի կարող լինել 12 ամիսներից պակաս:

6.2. Այն դեպքում, երբ Պատվիրատուն մինչև Հավելված 1-ով սահմանված ժամկետի ավարտը չի ծանուցում Օպերատորին սույն Պայմանագրի շրջանակներում մատուցվող Ծառայությունները դադարեցնելու իր մտադրության մասին Հավելված 1-ով սահմանված ժամկետը լրանալու ամսաթվից ոչ պակաս, քան 10 (տասը) օր առաջ, ապա սույն Պայմանագրի ժամկետը ավտոմատ կերպով երկարաձգվում է Հավելված 1-ով սահմանված ժամկետով:

6.3. Եթե Հավելված 1-ով սահմանված ժամկետի ընթացքում Պատվիրատուն ժամանակավոր կասեցնում է մատուցվող Ծառայությունները կամ վճարումների ուշացման պատճառով Ծառայությունների մատուցումը կասեցվում է Օպերատորի կողմից, ապա Հավելված 1-ով

ՊԱՅՄԱՆԱԳԻՐ
ՀԵՌԱՀԱՂՈՐԴԱԿՑՈՒԹՅԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ՄԱՍԻՆ

սահմանված ժամկետը երկարաձգվում է Ծառայությունների մատուցման կասեցված ժամանակահատվածի տևողությամբ:

6.4. Պատվիրատուի կողմից մինչև Հավելված 1-ով սահմանված ժամկետի ավարտը Ծառայությունները միակողմանիորեն վաղաժամկետ կասեցնելու դեպքում՝ Պատվիրատուն Օպերատորին վճարում է տուգանք՝ 15,000 ՀՀ դրամի չափով:

7. ՊԱՅՄԱՆԱԳՐԻ ԼՈՒԾՄԱՆ ՀԻՄՔԵՐԸ ԵՎ ԿԱՐԳԸ

7.1. Օպերատորն իրավունք ունի վաղաժամկետ լուծել սույն Պայմանագիրը, եթե՝

7.1.1. Պատվիրատուի կողմից խախտվել է սույն Պայմանագրի 4.3 կետը:

7.1.2. Պատվիրատուն վնասել է Օպերատորի տրամադրած սարքավորումները կամ մալուխը:

7.1.3. Պատվիրատուն խախտել է սույն Պայմանագրի 3.4.5 և 3.4.6 կետերում նախատեսված իր պարտավորությունները:

7.2. Պատվիրատուն իրավունք ունի վաղաժամկետ լուծել Պայմանագիրը և/կամ Պատվեր-Հայտ(եր)ը, եթե՝

7.2.1. Օպերատորի կողմից կատարվել է Ծառայության սակագնի բարձրացում ավելի քան 20 (քսան) տոկոսով, համաձայն սույն Պայմանագրի 3.1.1 կետի: Այս հիմքով սույն Պայմանագրի լուծման դեպքում Պատվիրատուն լուծման մասին ծանուցումը Օպերատորին պետք է ուղարկի լուծման օրվանից առնվազն 5 (հինգ) օր առաջ:

7.3. Կողմերը կարող են լուծել սույն Պայմանագիրը՝ դրա լուծումից առնվազն 30 (երեսուն) օր առաջ այդ մասին գրավոր ծանուցելով մյուս Կողմին, բայց ոչ ավելի վաղ, քան մինչև այդ պահին գործող Հավելված 1-ով սահմանված ժամկետի ավարտը:

7.4. Սույն Պայմանագրի 7.1, 7.2 և 7.3 կետերում նշված հիմքերով սույն Պայմանագրի լուծման դեպքում Օպերատորը կազատվի սույն Պայմանագրով ամրագրված իր բոլոր պարտավորություններից, իսկ Պատվիրատուն կազատվի սույն Պայմանագրով ամրագրված իր բոլոր պարտավորություններից, բացառությամբ մինչև սույն Պայմանագրի լուծման օրը ներառյալ մատուցված Ծառայությունների դիմաց վճարման պարտավորությունների:

8. ԿՈՂՄԵՐԻ ՊԱՏԱՄԽԱՆԱՏՎՈՒԹՅՈՒՆԸ

8.1. Այն դեպքում, երբ Օպերատորի կողմից տրամադրված սարքավորումը և (կամ) Պատվիրատուի շենքում/շինությունում/գրասենյակում գտնվող մալուխը վնասված է կամ բացակայում է Պատվիրատուի մեղքով, ապա Պատվիրատուն պարտավոր է հատուցել դրա արդյունքում Օպերատորին պատճառված վնասը, որի համար Պատվիրատուն պարտավոր է վճարել այն վերականգնելու աշխատանքների համար ծախսված գումարը և մալուխը վերականգնելու համար ծախսված նյութերի արժեքը:

8.2. Օպերատորի կողմից տրամադրվող յուրաքանչյուր սարքավորման կորստի կամ վնասվածքի դեպքում, Պատվիրատուն Օպերատորին փոխհատուցում է տվյալ սարքավորման արժեքը: Փոխհատուցման արժեքը յուրաքանչյուր սարքավորման համար սահմանվում է 30,000 (երեսուն հազար) ՀՀ դրամ:

8.3. Օպերատորը պատասխանատվություն չի կրում Պատվիրատուի առջև Ծառայությունների ընդհատումների, խափանումների և որակական ցուցանիշների անկման դեպքում, որոնց ծագման պատճառները ընկած են Օպերատորի վերահսկողությունից դուրս գտնվող տարածքներում, ինչը առանց սահմանափակումների ներառում է այն հեռահաղորդակցության միջոցների խափանումները և սերվերների անհասանելիությունը, որոնք գտնվում են Օպերատորի կողմից շահագործվող ցանցի սահմաններից դուրս:

ՊԱՅՄԱՆԱԳԻՐ
ՀԵՌԱՀԱՂՈՐԴԱԿՑՈՒԹՅԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ՄԱՍԻՆ

8.4. Օպերատորը պատասխանատվություն չի կրում Ծառայությունների կիրառման արդյունքում փոխանակված տեղեկատվության բովանդակության, ճշմարտացիության, օրինականության, անվտանգության, գաղտնիության և որակի համար:

8.5. Օպերատորը հանձնում է, իսկ Պատվիրատուն ընդունում է սարքավորումներ, որոնց համար կրում է համապատասխան նյութական պատասխանատվություն համաձայն Սարքավորումների հանձնման-ընդունման ակտերում նշված նյութական պատասխանատվության սահմանաչափերի:

9. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ

Սույն Պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է սույն պայմանագիրը կնքելուց հետո և որը կողմերը չէին կարող կանխատեսել կամ կանխարգելել: Այդպիսի իրավիճակներն են՝ երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն Պայմանագրով պարտավորությունների կատարումը: Եթե անհաղթահարելի ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունքի ունի լուծել սույն Պայմանագիրը՝ այդ մասին նախապես տեղյակ պահելով մյուս կողմին:

10. ՎԵՃԵՐԻ ԼՈՒԾՄԱՆ ԿԱՐԳԸ

Առաջացած վեճերը լուծվում են բանակցությունների՝ Կողմերի երկուական ներկայացուցիչներից կազմված հանձնաժողովի միջոցով: Համաձայնության չգալու դեպքում վեճերը լուծվում են Հայաստանի Հանրապետության օրենսդրությամբ սահմանված դատական կարգով:

11. ԳԱՂՏՆԻՈՒԹՅՈՒՆԸ

11.1. Սույն Պայմանագրին, պայմանագրի պայմաններին, Պայմանագրից բխող գործողություններին, կամ Պայմանագրի բանակցություններին առնչվող կողմերի միջև փոխանակված ողջ տեղեկատվությունը, բացառությամբ զանգվածային տեղեկատվության միջոցներում առկա տեղեկատվության (եթե այդպիսին կա), գաղտնի է և չի կարող տրամադրվել որևէ երրորդ կողմի:

11.2. Կողմերից յուրաքանչյուրը մյուս կողմի գաղտնի տեղեկատվությունը պաշտպանելու համար պետք է գործադրի այնպիսի ջանքեր, ինչպիսին կգործադրեր իր իսկ նման տեղեկատվության պաշտպանության համար:

11.3. Օրենքով սահմանված կարգով համապատասխան իրավասու մարմնի պահանջով սույն Պայմանագրին, պայմանագրի մյուս կողմին առնչվող որևէ տեղեկատվություն տրամադրելու դեպքում, տրամադրող կողմը պարտավոր է սույն Պայմանագրի մյուս կողմին 24 (քսանչորս) ժամվա ընթացքում տեղեկացնել դրա մասին:

11.4. Սույն գլխով նախատեսված կողմերի պարտավորությունները խախտելու դեպքում խախտող կողմը պարտավոր է հատուցել մյուս կողմի՝ այդպիսի տեղեկատվության բացահայտման արդյունքում եւ/կամ առնչությամբ կրած բոլոր փաստացի վնասները:

12. ՀԱԿԱԿՈՌՈՒՊՑԻՈՆ ՊԱՅՄԱՆԸ

12.1. Պատվիրատուն պարտավորվում է պահպանել հակակոռուպցիոն օրենսդրության պահանջները եւ չձեռնարկել որևէ գործողություն, որով կարող են խախտվել հակակոռուպցիոն

ՊԱՅՄԱՆԱԳԻՐ
ՀԵՌԱՀԱՂՈՐԴԱԿՑՈՒԹՅԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ՄԱՍԻՆ

օրենսդրության պահանջները, կապված սույն պայմանագրով նախատեսված իր իրավունքների եւ պարտականությունների հետ, այդ թվում (բայց չսահմանափակվելով)՝ չկատարել առաջարկ, չտալ համաձայնություն, խոստում, չիրականացնել ոչ օրինական վճարումներ, ներառյալ (բայց չսահմանափակվելով) կաշառքը՝ փողի կամ ցանկացած այլ տեսքով, որեւէ ֆիզիկական կամ իրավաբանական անձանց, ներառյալ (բայց չսահմանափակվելով)՝ առեւտրային կազմակերպություններին, իշխանության եւ ինքնակառավարման մարմիններին ու պաշտոնատար անձանց, մասնավոր ընկերություններին եւ նրանց ներկայացուցիչներին:

12.2. Պատվիրատուի կողմից սույն Պայմանագրի 12.1. կետով նախատեսված պարտականությունների խախտման դեպքում, Օպերատորն իրավունք ունի միակողմանի արտադատական կարգով հրաժարվելու սույն Պայմանագրի կատարումից: Օպերատորը չի հատուցում Պատվիրատուի վնասները սույն Պայմանագրի՝ սույն կետի համաձայն լուծման դեպքում:

13. ՏԵՂԵԿԱՏՎՈՒԹՅԱՆ ՓՈԽՆԱԿՈՒՄԸ

Կողմերի կոնտակտային տվյալները և բանկային վավերապայմանները նշված են սույն Պայմանագրում: Կողմերի միջև դիմումները, ծանուցումները և այլ տեղեկատվություն պետք է ուղարկվեն սույն Պայմանագրում նշված հասցեներով: Կողմերի անվանման, հասցեների, կոնտակտային տվյալների և բանկային վավերապայմանների փոփոխությունները սույն Պայմանագրում կատարվում են մյուս Կողմին ուղղված գրավոր ծանուցմամբ՝ փոփոխությունն ուժի մեջ մտնելուց առնվազն 2 (երկու) աշխատանքային օր առաջ:

14. ԵԶՐԱՓՈՒԿ ԴՐՈՒՅԹՆԵՐ

- 14.1. Սույն Պայմանագրի լրացումներն ու փոփոխությունները կարող են կատարվել միայն գրավոր ձևով՝ կողմերի փոխադարձ համաձայնությամբ:
- 14.2. Կողմերն իրավունք ունեն վաղաժամկետ լուծել սույն Պայմանագիրը՝ նախապես 10 (տասը) օր առաջ գրավոր տեղյակ պահելով մյուս կողմին՝ հատուցելով մյուս կողմի փաստացի կրած ծախսերը:
- 14.3. Սույն Պայմանագիրը կարող է վաղաժամկետ լուծվել Կողմերի փոխադարձ գրավոր համաձայնությամբ:
- 14.4. Սույն Պայմանագրի վաղաժամկետ լուծումը չի ազատում Կողմերին միմյանց հանդեպ մինչև լուծման օրը ծագած պարտավորությունների կատարումից:
- 14.5. Սույն Պայմանագրով կողմերի միջև չկարգավորված հարաբերությունները կարգավորվում են ՀՀ օրենսդրությամբ սահմանված կարգով:
- 14.6. Սույն Պայմանագիրը ստորագրող կողմերի ներկայացուցիչները սույնով հաստատում են, որ ունեն սույն պայմանագիրը կնքելու համար անհրաժեշտ լիազորություններ:
- 14.7. Սույն Պայմանագիրը կազմված է երկու հավասար իրավաբանական ուժ ունեցող օրինակից, հայերեն լեզվով: Յուրաքանչյուր կողմին տրամադրվում է մեկական օրինակ:

ՊԱՅՄԱՆԱԳԻՐ
ՀԵՌԱՀԱՂՈՐԴԱԿՑՈՒԹՅԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ՄԱՍԻՆ

15. ԿՈՂՄԵՐԻ ՍՏՈՐԱԳՐՈՒԹՅՈՒՆՆԵՐԸ ԵՎ ՎԱՎԵՐԱՊԱՅՄԱՆՆԵՐԸ

Օպերատոր	Պատվիրատու
<p>«ՄՏՍ Հայաստան» ՓԲԸ ՀՎՀՀ 01551651 ՀՀ, ք. Երևան, Արգիշտի 4/1 հեռ: (+374 10) 568777 ֆաքս: (+374 93) 298040 “Կոնվերս բանկ” ՓԲԸ h/h 1930004268280100 Գլխավոր տնօրեն՝ Ռալֆ Յիրիկյան</p> <p align="right">_____</p> <p align="right">(ստորագրություն)</p> <p>Կ. Տ.</p>	<p>« _____ » ____ Հասցե՝ _____ Հեռ. _____ Էլ. հասցե՝ _____ ՀՎՀՀ _____ « _____ » ՓԲԸ Հ/Հ _____</p> <p>_____</p> <p>_____</p> <p align="right">_____</p> <p align="right">(ստորագրություն)</p> <p>Կ. Տ.</p>